



UNIVERSITÄTS-
BIBLIOTHEK
PADERBORN

Analysis Methodica Ivris Pontificii

Venator, Daniel

[S.l.], 1579

VD16 V 541

De Statv Monachorum & Canonicorum regularium. Titulus XXXV.

[urn:nbn:de:hbz:466:1-63204](https://nbn-resolving.org/urn:nbn:de:hbz:466:1-63204)

AXIOMATA ET SENTENTIAE.

Secundum votum solenne religionis, derogat priori simplici, c. qui post votum, de regularibus, & transf. ad relig. in 6.

Vota possunt elemosynis redimi, vel in aliud commutari: intercedente Superioris auctoritate, & iusta causa redimendi, vel mutandi, c. 1. ext. eod.

Reus voti fracti non habetur, qui temporale obsequium in perpetuam religionis observantiam commutat, c. scriptura, extr. eod.

Ecclesia compellit heredem laicum, per excommunicationem, & bonorum subtractionem, ad executionem voti, ad quod se obligavit, c. licet, extr. eod.

Cessante causa, cessat effectus, c. magna, eod. tit.

Senectus est onerosa & languida, nec dolores & labores ferre potest, d. c. magna.

Mulieres maritos suos sequi debent, c. quod super, ext. eo.

DE STATV MONACHORUM & Canonicorum regularium.

Titulus XXXV.

Continuatio.

Distinguitur superior titulus, De regular. & transeuntibus, ad relig. ab hoc. Quod in illo potissimum modus adipiscendi statum regularem traditur: hic autem, quomodo is, qui hunc statum adeptus est, & in eo constitutus, se gerere debeat, docetur.

ZZ

Circá

Circa quæ consideratur status Monachorum & Regularium?

Consideratur circa habitum, vitæ institutū, mores, disciplinam, conuersationem, continentiam, subiectionem, obediētiam, humilitatē, patrimonij abdicationem, paupertatem, abstinentiam ciborum, familiam, correctionē, temperantiam, modestiam. Quæ omnia in c. cum ad monasterium, & c. in singulis, eod. fusè explicantur.

Ad quid tenentur Monachi, seu Regulares?

Licet hæc, quæ recensita sunt, quemlibet regulari obseruantia adstrictum obseruare oporteat: sunt tamen tria substantialia Regula, ad quæ præcisè tenentur monachi, vt nec Summus Pontifex cōtra hæc dispensare possit, c. cum ad eod. Scilicet: 1. Propriæ voluntatis renunciatio. 2. Proprietatis abdicatione. 3. Castitatis obseruatio.

In quibus conueniunt & differunt Monachi & Regulares?

Regulas statui præscriptas, & potissimum quæ substantiam Regulæ monasticæ continent, & mores, disciplinam, vitæ institutū, honestæ vitæ congruentia concernunt, indistincter omnes obseruare debent, & in eo conueniunt. Differunt aut, quia facilis canonicus regulari, quæ monachus regularis præficitur ecclesiæ parochiali, eiq; cura animarum committitur, iuxta c. quod Dei, extr. eod. Secundò, monachi regulari strictissimam obseruare tenentur: regulares autem

tem laxiori subijciuntur regulæ. nam & in esu
carnium, & habitu, alijsquæ differunt. Ne tamen
per contemptum & neglectum Regulæ, ad cuius
obseruationem tenentur. monachi, sacrilegia,
alteriusq; generis crimina committantur, certus
modus visitandi monasteria, per Innocentium
III. in Concilio generali institutus est, c. in singu-
lis, ex. eod.

Quid est Visitatio?

Visitatio est, inquisitio morum, vitæ, & alio-
rum in clericis, facta per eos, quibus hoc de iure
licet, vel commissum est, d. c. in singulis, extr. eo.

Quæ causa Efficiens?

Quilibet, habens ordinariam iurisdictionem
in aliquos. Sicut Archiepiscopus, in tota prouin-
cia, c. Romana, & c. perpetuo, de cõsibus, in 6. Et
Episcopus in sua diocesi, c. cõquerente, extr. de
off. Ordina. Item Archidiaconus & Decanus, c.
cũ Apostolus, extr. de censib. & c. mandamus,
extr. de off. archi. Item Abbates & Prælatis reli-
giosorum visitant monasteria, & monachos se-
cundũ eorum instituta, c. penul. & c. vlt. extr.
de stat. monach. Item Legati Apostolicæ Sedis, et
quibus committitur à Papa, vel à Prælatis Ordi-
narijs, ipsis impeditis, c. Episcopum, 10. q. 1. & c.
inter cætera extr. de off. ordina.

Quod Obiectum?

Vitæ institutum, mores, disciplina, habitus,
conuersatio. Et de materia: circa quam versatur
visitatio: & quod sit visitatorum officium? Vide
c. inter cætera, extr. de off. ordina. & c. Episcopũ,
10. quæst. 1.

Z z z Quæ

Forma visitandi præscribitur, in c. Romana, de censibus, & exact. in 6. & in c. fin. & Dd. in c. cum ex officij, extr. de præscript. c. relata, c. placuit, 10. q. 1. & in c. Episcopus in Synodo, q. 6. Inquit Innocentius III. in d. c. Romana, de censibus & exact. in 6. Statuimus, vt quilibet Archiepiscopus suam volens visitare prouinciã, prius ecclesiã suã Capitulum ac ciuitatem & diocesis propriam plenè visitare procuret: nec sitolum erga maiorum, sed etiam minorum Ecclesiarum, nec circa clericorum tantum, sed etiam populorum visitationem, intentus. & si cõmodè absq; difficultate accedere ad vnamquamque non poterit: de pluribus locis ad vnum congruum clericos & laicos studeat conuocare, ne illa visitatio postponatur. Deinde liceat ei per totam prouinciã, vel eius partẽ, visitationis officio exercere, ciuitates & dioceses, suffraganeos, & eorum subditos, Cathedralium, & aliarum ecclesiarum Capitula & monasteria, ecclesias & alia religiosa & pia loca, clericos & populos librè visitando, ac procuraciones à locis tantum accipere visitatis. Ex quo tamen aliquam diocesis visitare cõperit, nunquam postea reuertetur totam, siue partem eius visitauerit, reuertetur causa visitationis ad illam prius, quàm omnes reliquæ ipsius prouinciæ dioceses in toto vel in parte, (quas securè visitare poterit) & alia denuò fuerint visitatæ. Quòd si forrè eadẽ diocesis, vel aliqua ibi ecclesia plus alijs indiguerit visitari, tunc aliarum visitatione intermissa reuertetur ad illam.

deat ad eandem: si à loci diocesano requisitus extiterit, vel de omnium aut maioris partis Episcoporum eiusdem prouinciæ processerit, consilio & assensu: ad quod idem se promptos exhibeant, ne animarum profectus aliquatenus negligatur. Si verò malitiosè, in his difficultatem adhibuerint, Archiepiscopus licentiam super hoc à Sede Apostolica postulet cōfidenter. Postquam autem semel omnes prouinciæ suæ dioceses visitauerit, licitum sit ei postea (prius tamē Suffraganeorum suorum requisito consilio, & ipsius definitione super hoc habita, coram eis, quæ in scriptis redigi volumus, vt possint alijs esse nota) visitationem per eadem reiterare prouinciam, iuxta modum superius annotatum: etiam si non interueniat in hoc Suffraganeorum ipsorum assensus, illam semper prouidentiam adhibendo, vt in posterioribus visitationibus illas ecclesias, eosq; clericos & populos prius visitet, qui non fuerant ab eo in prioribus visitati: nisi magis sit alijs visitationis officium oportuum. Sanè huiusmodi impensurus officium, proposito verbo Dei, quærat de vita & conuersatione ministrantium in ecclesijs, & locis alijs diuino cultui deputatis, ac cæteris quæ ad officium ipsum spectant absq; coactione, exactione qualibet iuramenti, ad ipsorum emendationem per salubria monita: nunc leuia nunc aspera, iuxta datam sibi à Deo prudentiam diligenter intendens. Quòd si de aliquibus orta fuerit infamia, contra eos Ordinarijs ipsorum (vt super his solenniter inquirant) denuntiet, si viderit expedire. Notoria verò crimina, quæ examinatione nõ

egeant, (cùm super his meritò notari possit Ordinariorum negligentia eorundem) libere corrigat, pœnam pro illis debitam infligendo, Procuraciones autem recipiat, secundùm quod est in Canonibus constitutum: nullam tamen pecuniam ipse, vel aliquis de sua familia, occasione alicuius officij aut consuetudinis, seu quolibet alio modo earum nomine, sed in victualibus expensas tantùm recipiat moderatas. Caueat insuper, ne ipse, vel quisquam suorum, aliquod munus quodcunque sit, & qualitercunque offeratur præsumat recipere: Vt non quæ sua sunt, videatur quærere, sed quæ Iesu Christi. Quod si fuerit contrà præsumptum, recipiens maledictionem incurrat, à qua nunquam (nisi duplum restituat) liberetur. volumus enim in his fraudem quamlibet penitus euitari. Hanc autem visitandi formam, ab vniuersis etiam Episcopis, alijsq; Prælati ordinario iure, suos subiectos visitantibus, plenè obseruari præcipimus. saluis super hoc rationabilibus & approbatis religiosorum consuetudinibus & regularibus institutis.

Quæ Forma visitandi Monachos?

Vt religiosi singularum prouinciarum de triennio in triennium, ad Capitulum conueniant, & in eo ex Prælati quatuor, qui simpliciter & de plano in Monachos, siue regulares, iurisdictioni & regulæ suæ subiectos, inquirat, & corrigant, quæ viderint corrigenda, cõstituant. Modus autem visitandi Monasteria, quot mitti debeant, quali cum apparatu, quomodo in officio

visit.

visitationis se gerere, quæ summo studio expedire, & à quibus abstinere teneantur? Habetur in c. singulis, & c. fi. extr. eod. & tradit Pauin. tract. de visitat. q. 2. prima parte, & c.

Quis Finis & Effectus?

Vt correctione clericorum facta, Ecclesia ipsa in melius reformetur, d. c. Romana. Secundò, vt à tali correctione nulla concedatur appellatio, c. ad nostrã, extr. de appel. & c. relatũ, ext. ne cler. vel monach. & c. Nisi corrigedi modus excederet, c. quia peccat, 23. q. 4. Nam, vt dicitur in c. beatus, 45. dist. nimix asperitatis interpretatio neque correctionem, neq; salutem recipit, & c. Tertiò, perceptio procurationis, à cuius præstatione immunem nullam esse ecclesiam, vel monasterium, etiam præscriptionis prætextu, esse debet, c. cum ex, extr. de præscrip. debetq; ipsa procuratio præstari in victualibus, non autem pecunia, c. pecunia, §. procurationis, de censib. in 6. de qua titul. de cens. exact. & procurat. infra latius.

DE RELIGIOSIS DOMIBUS, vt Episcopo sint subiectæ.

Titulus XXXVI.

Continuatio.

Visitatio per Ordinariũ, sub cuius iurisdictione religiosa domus sita sunt, fieri contingit: scire nunc operæpretium est, cuius iurisdictioni religiosa domus subiectæ sint?

L 2 4

Quæ